

20. november

UKA2019/11

2018-mut Nunatta Karsiata naatsorsuutaasa akuerineqarnissaannik siunnersuut.

(Aningaasaqarnermut Naalackersuisoq)

2018-mut Nunatta Naatsorsuutaanut Siumumit imatut oqaaseqassaangut.

Siullermik 2018-mut Naatsorsuutit saqqummiunneqartut misissorneranni maluginiarparput saqqummiunneqarneriasa takutikkaat ataatsimut eqikkarlungu naatsorsuutigisamiik sinneqartooruteqarnerunerusut, Siumumiillu taamatut inissinneq oqarutta kukkunerunngittoq, Aqutsilluarnermik tunngaveqartoq naatsorsuutit pitsaasumik inissisimanagerat.

Politikkikkut ingerlatsilluarneq pitsaasoq atorveqartoq takuneqarsinnaavoq, pingaartumik nunatsinni aningaasat namminersorlutik oqartussat isertitarisimasaat 280 mio. kr.-nik amerleriarsimammata. Taassuma takutippaattaaq kukkuneruinerumut ataatsimiitsitaliap isumaliutissiisummini annertuumik uparuagaqannginnera.

Tunngaviusullu taaneqartut aalisarnermit isertitassatut naatsorsuutigisat pitsaanerunerat aammalu inuit sulisinnaasut amerlanerit sulilernerannik tunngaveqartumik pitsanngoriartoqarluni, isumagininnikkut aningasatuutaasussaangaluit sulisoqarnerulerneratigut ilorraap tungaanut alloriarfiusimammata.

Siumumiit kukkuneruinerumut ataatsimiitsitaliap aammalu naalackersuisut suleqatigiillutik naatsorsuutit ukiumut 2018-imoortut suliarisimatikkitt qutsavigaagut. Taamaattumik isumaliutissiisummut saqqummiussinerannut sukumiisumut imaattunik oqaaseqassaagut:

Sanaartornermi iluarsaassisarnermullu aningaasaateqarfiup sukkanerumumik aningaasartaasa atorveqartarnissaat kaammattuutigaarput. Sanaartukkat uningatinneqaratik aallartikkasuarneqartarnissaat qulakkeersimaneqartuassasoq kaammattuutigaarput. Taamatuttaaq ukiuni kingullerni inatsisartut naalackersuisunut isumaliutissiisutikkoortumik aqqeqqusai pimoorullugit naammassiniarneqartarnissaat kaammattuutigaarput.

Siumumiit nunatta karsianik kukkuneruuisummanik allannguissamik pilersaaruteqanngilagut. Taamaattorli siora oqariartuutigisimasarput, kukkuneruinerumut ataatsimiitsitaliaq, namminiussuseqarluni arlaannaannulluunniit attuumassuteqanngittumik inissisimalernissaa suli Siumumiit kissaatigaarput.

Taamatuttaaq naggataatigut Siumumiit ataatsimiitsitaliap isumaliutissiisutaa akuersissutigissagatsigu oqaatigilara.

Karl-Kristian Kruse, Siumut